

## ZAPISNIK

sa treće redovne sjednice Upravnog odbora Univerziteta u Tuzli  
održane u četvrtak 30.09.2021. godine, sa početkom u 13,00 sati u Sali za sjednice Rektorata  
Univerziteta u Tuzli

Sjednici su prisustvovali: predsjednik Upravnog odbora dr.sci. Semir Ahmetbegović, vanr.prof., te članovi: Adela Mustafagić Šaldić, Suad Hasanović, Amela Dedić, dr.sci. Anita Petrović, vanr.prof, dr.sci. Franc Andrejaš, vanr.prof., Kenan Mandžić, red.prof. i Amra Šehić, student

Sjednici, iz opravdanih razloga, nije prisustvovao član Omer Beširović.

Osim članova Upravnog odbora sjednici su prisustvovali: Rektorica dr.sci. Nermina Hadžigrahić, red.prof., generalni sekretar Jasmina Berbić, dipl.pravnik, šef Službe za pravne, kadrovske i opšte poslove Šejla Fazlić, dipl.pravnik, te u svojstvu izvjestioca: direktor za ekonomske poslove Husein Matović, dipl.ecc, prisustvovao tački 6. dnevnog reda i sekretar Centra za sport Alan Alagić prisustvovao tački 7. dnevnog reda. U skladu sa Zaključkom Upravnog odbora broj: 04-4001-1-3/21 od 07.09.2021. godine diskusiji pod tačkom 5.2. dnevnog reda prisustvovali su predstavnici Kantonalnog odbora Samostalnog sindikata visokog obrazovanja i znanosti BiH dr.sci. Adnan Hodžić, vanr.prof. i Irfan Kasumović, docent.

Predsjednik Upravnog odbora konstatovao je da postoje uslovi za rad i odlučivanje na sjednici u skladu sa Poslovnikom o radu, te je otvorio treću redovnu sjednicu Upravnog odbora.

Predsjednik Upravnog odbora upoznao je članove Upravnog odbora da je član Omer Beširović, fizički spriječen da prisustvuje sjednici te da je podnio Zahtjev da se o predloženom dnevnom redu i svim tačkama izjasni u elektronskoj formi. Predsjednik je predložio da se u skladu sa članom 14. Poslovnika o radu Upravnog odbora Zahtjev člana Omera Beširovića prihvati na način da mu se nakon usvajanja dnevnog reda isti dostavi elektronskim putem, te bi se imenovani izjasnio i glasao o svakoj pojedinoj tački dnevnog reda elektronskim putem.

Nadalje je upoznao je članove Upravnog odbora sa Zahtjevima [REDAKCIJA] i to Zahtjevom broj: 04-4490-1/21 od 09.09.2021. godine za izuzeće od glasanja i rasprave člana Upravnog odbora [REDAKCIJA], Zahtjevom broj: 04-4491-1/21 od 09.09.2021. godine za pristup tonskom zapisu tačke dnevnog reda koja se na nju odnosi sa druge redovne sjednice upravnog odbora i Zahtjevom broj: 04-4560-1/21 od 10.09.2021.godine za prisustvo na sjednici te je predložio je da se dnevni red dopuni tačkom 5.1. Zahtjev [REDAKCIJA] za izuzeće člana Upravnog odbora [REDAKCIJA] i da se preostali zahtjevi odbiju kao neosnovani. Istakao je da je Zahtjev za pristup tonskom zapisu predmetne tačke dnevnog reda sa druge redovne sjednice neosnovan iz razloga što je Zaključkom Upravnog odbora po istoj odloženo odlučivanje i podnositeljica ne trpi nikakve štetne posljedice. Takođe je istakao da je Zahtjev imenovane za prisustvo na sjednici neosnovan iz razloga što su u skladu sa Zaključkom Upravnog odbora na sjednicu pozvani predstavnici sindikata.

Predsjednik Upravnog odbora otvorio je diskusiju po navedenim zahtjevima i predloženom dnevnom redu. Obzirom da nije bilo diskusije dao je na glasanje navedene prijedloge. Prijedlozi su usvojeni te je za ovu sjednicu jednoglasno usvojen sljedeći

### DNEVNI RED:

1. Donošenje Odluke o izmjeni Odluke o konstituisanju Upravnog odbora  
(izvjestilac: Generalni sekretar, Jasmina Berbić, dipl.pravnik)
2. Usvajanje Zapisnika sa 2. redovne sjednice Upravnog odbora
3. Davanje Mišljenja na Prijedlog Odluke o izmjenama Statuta Univerziteta u Tuzli  
(izvjestilac: Generalni sekretar, Jasmina Berbić, dipl.pravnik)
4. Utvrđivanje Prijedloga Pravilnika o izmjenama i dopunama Pravilnika o plaćama, naknadama i drugim primanjima zaposlenika na Univerzitetu u Tuzli  
(izvjestilac: šef Službe za pravne, kadrovske i opšte poslove Šejla Fazlić, dipl.pravnik)
5.
  - 5.1. Zahtjev [REDAKCIJA] za izuzeće člana Upravnog odbora [REDAKCIJA]
  - 5.2. Odlučivanje po Zahtjevu za zaštitu prava iz radnog odnosa [REDAKCIJA], broj: 04-3686-1/21 od 23.07.2021. godine izjavljen na Odluku o otkazu Ugovora o radu zbog teže povrede radnih obaveza iz Ugovora o radu broj: 01-2731-5/21 od 09.07.2021. godine.  
(izvjestioci: Generalni sekretar, Jasmina Berbić, dipl.pravnik i šef Službe za pravne, kadrovske i opšte poslove Šejla Fazlić, dipl.pravnik)
6. Donošenje Odluke o izmjeni Odluke o usvajanju Plana nabavki za 2021. godinu

*(izvjestilac: Direktor za ekonomske poslove Husein Matović, dipl.ecc)*

7. Zahtjev JU Mješovite srednje škole Tuzla broj: 01-4777-1/21 od 14.09.2021. godine za korištenje Univerzitetske sportske dvorane

*(izvjestilac: sekretar Centra za sport Alan Alagić.)*

Usvojeni dnevni red je članu Upravnog odbora Omeru Beširoviću dostavljen elektronskim putem. Imenovani je elektronskim putem dostavio izjašnjenje o svakoj pojedinoj tački dnevnog reda. Upravni odbor je odlučio da se kod utvrđivanja rezultata glasanja prihvate glasovi člana Omera Beširovića.

### **TAČKA 1.**

#### **Donošenje Odluke o izmjeni Odluke o konstituisanju Upravnog odbora**

Predsjednik Upravnog odbora izvjestio je o prijedlogu Odluke o izmjeni Odluke o konstituisanju Upravnog odbora Univerziteta u Tuzli.

Na osnovu člana 47. stav (2) Zakona o visokom obrazovanju («Službene novine Tuzlanskog kantona» broj: 7/16, 10/16, 5/17, 15/17, 15/19 i 9/20), člana 39. Statuta Univerziteta u Tuzli, Rješenja o imenovanju predsjednika i članova Upravnog odbora Javne ustanove Univerzitet u Tuzli iz reda osnivača broj: 02/1-30-22442/21 od 29.06.2021. godine te Odluke Senata o imenovanju članova Upravnog odbora Univerziteta u Tuzli iz reda akademskog osoblja i studenata broj: 03-4117-1-1.1/21 od 07.09.2021.godine, Upravni odbor Univerziteta u Tuzli, jednoglasno je donio

### **ODLUKU**

#### **o izmjeni Odluke broj: 04-3350-1.1/21 od 16.07.2021. godine**

#### **I**

Tačka I Odluke broj: 04-3350-1.1/21 od 16.07.2021. godine o konstituisanju Upravnog odbora Univerziteta u Tuzli mijenja se i glasi:

“I

Konstituiše se Upravni odbor Univerziteta u Tuzli u sastavu:

1. dr.sci. Semir Ahmetbegović, vanr.prof., predsjednik,
2. Adela Šaldić, član,
3. Suad Hasanović, član,
4. Omer Beširović, član,
5. Amela Dedić, član,
6. dr.sci. Anita Petrović, vanr.prof., član,
7. dr.sci. Franc Andrejaš, vanr.prof., član,
8. Kenan Mandžić, red.prof., član,
9. Amra Šehić, student, član.”

#### **II**

Mandat predsjednika i članova Upravnog odbora pod rednim br. 1 do 5. iz tačke I ove Odluke, koji su imenovani iz reda osnivača traje četiri godine, počev od dana konstituisanja Upravnog odbora tj. od 16.07.2021. godine, a mandat članova Upravnog odbora pod rednim br. 6 do 9. iz tačke I ove Odluke, koji su imenovani iz reda akademskog osoblja i studenata Univerziteta u Tuzli traje četiri godine, a počinje teći danom stupanja na snagu ove Odluke.

#### **III**

Ova Odluka stupa na snagu danom donošenja.

### **TAČKA 2.**

#### **Usvajanje Zapisnika sa 2. redovne sjednice Upravnog odbora**

Zapisnik sa druge redovne sjednice Upravnog odbora jednoglasno je usvojen.

### **TAČKA 3.**

#### **Davanje Mišljenja na Prijedlog Odluke o izmjenama Statuta Univerziteta u Tuzli**

Generalni sekretar Univerziteta upoznao je članove Upravnog odbora da je Studentski parlament podnio Inicijativu za izmjenu odredaba Statuta, koju je Senat prihvatio te utvrdio Prijedlog Odluke o izmjenama Statuta JU Univerzitet u Tuzli broj: 03-4923-1-2/21 od 22.09.2021. godine. Nadalje je obrazložila postupak izmjene Statuta Univerziteta, nakon čega je Upravni odbor Univerziteta u Tuzli dao sljedeće

## MIŠLJENJE

### I

Daje se pozitivno Mišljenje na Prijedlog Odluke o izmjenama Statuta JU Univerzitet u Tuzli broj: 03-4923-1-2/21 od 22.09.2021. godine.

### II

Mišljenje se dostavlja Senatu Univerziteta na dalji postupak.

### TAČKA 4.

#### **Utvrđivanje Prijedloga Pravilnika o izmjenama i dopunama Pravilnika o plaćama, naknadama i drugim primanjima zaposlenika na Univerzitetu u Tuzli**

Šef Službe za pravne, kadrovske i opšte poslove obrazložila je Prijedlog Pravilnika o izmjenama i dopunama Pravilnika o plaćama, naknadama i drugim primanjima zaposlenika na Univerzitetu u Tuzli te upoznala članove Upravnog odbora da je Ministarstvo obrazovanja i nauke TK na isti dalo pozitivno mišljenje. Nakon diskusije Upravni odbor Univerziteta u Tuzli donio je

## ODLUKU

### I

Utvrđuje se prijedlog Pravilnika o izmjenama i dopunama Pravilnika o plaćama, naknadama i drugim primanjima zaposlenika na Univerzitetu u Tuzli – Prečišćeni tekst (broj: 04-5380-2/18 od 04.10.2018. godine, broj: 04-1804-1/19 od 05.04.2019. godine, broj: 04-2472-2/19 od 14.05.2019. godine, broj: 04-2398-1-5/20 od 04.06.2020. godine i broj: 04-5619-1-2/20 od 23.11.2020. godine), u tekstu koji čini sastavni dio ove Odluke.

### II

Prijedlog Pravilnika upućuje se u dalju proceduru donošenja.

### TAČKA 5.

#### **5.1. Zahtjev [REDAKCIJA] za izuzeće člana Upravnog odbora [REDAKCIJA]**

Postupajući po Zahtjevu [REDAKCIJA] broj: 04-4490-1/21 od 09.09.2021. godine, Upravni odbor Univerziteta u Tuzli donio je sljedeći

## ZAKLJUČAK

Član Upravnog odbora Univerziteta u Tuzli [REDAKCIJA], izuzima se od učešća u raspravi i glasanju po tački 5.2. dnevnog reda treće redovne sjednice Upravnog odbora- Odlučivanje po Zahtjevu za zaštitu prava iz radnog odnos [REDAKCIJA], broj: 04-3686-1/21 od 23.07.2021. godine izjavljen na Odluku o otkazu Ugovora o radu zbog teže povrede radnih obaveza iz Ugovora o radu broj: 01-2731-5/21 od 09.07.2021. godine.

#### **5.2. Odlučivanje po Zahtjevu za zaštitu prava iz radnog odnosa [REDAKCIJA], broj: 04-3686-1/21 od 23.07.2021. godine izjavljen na Odluku o otkazu Ugovora o radu zbog teže povrede radnih obaveza iz Ugovora o radu broj: 01-2731-5/21 od 09.07.2021. godine.**

Generalni sekretar Univerziteta ukratko je upoznala članove Upravnog odbora o predmetnom Zahtjevu [REDAKCIJA].

U diskusiji su učestvovali i predstavnik Kantonalnog odbora Samostalnog sindikata visokog obrazovanja i znanosti BiH dr.sci. Adnan Hodžić, vanr.prof, te putem telefona predsjednik Sindikata visokog obrazovanja TK dr.sci. Samir Nurić, red.prof.

Nakon razmatranja Zahtjeva za zaštitu prava iz radnog odnosa [REDAKCIJA] vanr.prof., broj: 04-3686-1/21 od 23.07.2021. godine i održane diskusije, Upravni odbor, većinom glasova ukupnog broja članova, donio je

## ODLUKU

Zahtjev za zaštitu prava iz radnog odnosa [REDAKCIJA], broj:

04-3686-1/21 od 23.07.2021. godine izjavljen na Odluku o otkazu Ugovora o radu zbog teže povrede radnih obaveza iz Ugovora o radu broj: 01-2731-5/21 od 09.07.2021. godine, odbija se kao neosnovan.

#### **TAČKA 6.**

##### **Donošenje Odluke o izmjeni Odluke o usvajanju Plana nabavki za 2021. Godinu**

Direktor za ekonomske poslove Univerziteta upoznao je članove Upravnog odbora da je Voditelj projekta VIRAL, [REDAKCIJA], podnio zahtjeve za preraspodjelu sredstava za nabavku opreme u okviru navedenog projekta kao i obrazloženje da će Univerzitet u Tuzli sprovesti nabavku računarske opreme i dijela laboratorijske opreme.

Na osnovu člana 50. stav (1) tačka s) Zakona o visokom obrazovanju («Službene novine Tuzlanskog kantona» broj: 7/16, 10/16, 5/17, 15/17, 15/19, 9/20 i 17/21), člana 50. stav (1) tačka e) Statuta Univerziteta u Tuzli, a u vezi sa članom 17. Zakona o javnim nabavkama (Službeni glasnik BiH, broj: 39/14), Upravni odbor Univerziteta u Tuzli jedoglasno je donio

#### **ODLUKU**

**o izmjenama i dopunama Odluke o usvajanju Plana nabavki Univerziteta u Tuzli za 2021. godinu broj : 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine broj : 04-3351-1-4/21 od 21.07.2021. godine i broj: 04-4001-1-8/21 od 07.09.2021. godine**

#### **I**

U tački I Odluke o usvajanju Plana nabavki Univerziteta u Tuzli za 2021. godinu broj: 04-1336-1-4/21 od 15.03.2021. godine, broj : 04-2612-1-4/21 od 03.06.2021. godine, broj : 04-3351-1-4/21 od 21.07.2021. godine i broj : 04-4001-1-8/21 od 07.09.2021. godine mijenjaju se iznosi nabavki pod rednim brojevima 101.;102. i 103., briše se napomena kod nabavke pod rednim brojem 101. i dodaje se tekst u napomeni pod rednim brojem 102. i glasi :

R. br	Fakultet/ org.je dinica	Ekonomski kod	Predmet nabavke javne	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2	3.	4	5.	6.	7.	8.	9.	10.	11.
101	FE	8213	Nabavka računarske opreme (projekat VIRAL)			42.300,00	42.300,00	Otvoreni postupak	30000000-9	
102	FE	8213	Nabavka laboratorijske opreme (projekat VIRAL)			33.800,00	33.800,00	Otvoreni postupak	38000000-5	Zajednička nabavka UNBL nosilac nabavke/ Univerzitet u Tuzli
103	FE	8213	Nabavka solarnih panela (projekat VIRAL)			1.900,00	1.900,00	Konkurentski zahtjev za dostavu ponuda	09331000-8	Zajednička nabavka UNBL nosilac nabavke

#### **II**

U ostalom dijelu Odluka o usvajanju Plana nabavki Univerziteta u Tuzli za 2021. godinu broj: 04-1336-1-5/21 od 15.03.2021. godine, broj: 04-2612-1-4/21 od 03.06.2021. godine, broj: 04-3351-1-4/21 od 21.07.2021. godine i broj : 04-4001-1-8/21 od 07.09.2021. godine ostaje nepromijenjena.

#### **TAČKA 7.**

##### **Zahtjev JU Mješovite srednje škole Tuzla broj: 01-4777-1/21 od 14.09.2021. godine za korištenje Univerzitetske sportske dvorane**

Generalni sekretar Univerziteta upoznao je članove Upravnog odbora sa odredbama opšteg akta Univerziteta kojim je uređeno korištenje Univerzitetske sportske dvorane u slobodnim terminima. Sekretar Centra za

sport Univerziteta upoznao je članove Upravnog odbora sa trenutnim stanjem raspoloživosti dvorane u slobodnim terminima.

Nakon održane diskusije Upravni odbor Univerziteta u Tuzli donio je sljedeći

## **ZAKLJUČAK**

### **I**

Odlaze se odlučivanje po Zahtjevu JU Mješovite srednje škole broj: 01-4777-1/21 od 14.09.2021. godine za ustupanje Univerzitetske sportske dvorane iz razloga što se istom na traženi način ne može udovoljiti bez prethodne izmjene opšteg akta Univerziteta kojim je uređeno korištenje Univerzitetske sportske dvorane u slobodnim terminima, uz naknadu.

### **II**

Zadužuje se Rektorica Univerziteta da nakon utvrđivanja rasporeda korištenja Dvorane za potrebe realizacije nastave Fakulteta za tjelesni odgoj i sport Univerziteta i ispita u akademskoj 2021/22. godini, koordinira sa podnositeljem Zahtjeva u cilju iznalaženja rješenja na drugi način (izdavanje prostora u zakup ili posredstvom Ministarstva za obrazovanje i nauku TK).

Sjednica je završila u 14 sati i 42 minuta.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Broj: 04-5017-1/21

Tuzla, 30.09.2021. godine

PREDSJEDNIK  
UPRAVNOG ODBORA

dr.sci. Semir Ahmetbegović, vanr.prof.